

Helmstorff, Hanns von Sehin, Hanns Strygerer, Berlt Thamme, Peter Thaymudt und Jurge Meller, rathmann und geschworne in dem ersten rathe, Conrad Hildebrand, Hanns Glagaw burgermeistere, Moritz Swabistorff, Mathes Fynnod cammerer mit andern geschwornen rathmannen in dem andern rathe, Nickel vom Kicke burgermeister, Nickel
 5 Tute, Hanns Thayn cammerer mit andern geschwornen rathmannen in dem dritten rathe der stadt Nuemburg bekennen —, das wir — vorkoufft habin und vorkouffin eyne ewigin kouffes mit crafft diss brives den geistlichen herren prior und der gantzen sammelunge des closters sente Pawels predigerordens zu Liptzk und alle yren nachkommen eyne thonne gutis heringes jherliches zinses, darumb uns der ersame Hanns Matstete
 10 burger zu Nuemburg und Konegundt syne ehliche wertin dem egnanten closter zu gute, yr und der yren sele selikeit willen gereyte und wol betzalt haben zwey hundert Rynische gulden gut an golde und schwer gnug am gewichte —. Diße vorgnante thonne heringes jherlichs zinses reden und globen wir — den obgnanten hern und convent und yren nachkommen gutlichin und fruntlichen zu reychen und zu betzalene in der stadt zu
 15 Nuemburg alle jhar jherlichin von unserm rathuße, nemlichen uff den sonntag vor faßnacht als man pfliet zu singen in der heyiligen kirchen exurge domine —. Darumb haben uns dye obgnanten hern und convent, Hanns Matstedte und Konigundt syne ehliche wirtinne yre nachkommen dye gunst gethan, das wir dye vorgeschrebin thonne heringes ewiges zinses wedir von yn kouffin mogin in wilchim jare und in wilcher zyt uns das
 20 ebene ist mit vorkundigung eynes virteljares vor der obgnanten tagezyt umb zwey hundert Rynische guldin gut an golde und schwer gnug am gewichte hir in der stadt zu Nuemburg ußgehinde dem vierteil jars —, also das dye egnanten hern und convent ader yre nochkommen dye egnanten zwey hundert gulden wedir ußgeben und anlegin sullen mit rate und wissen eyne sitzinden raths zu Nuemburg umb eyne sulche thonne gutis
 25 heringes ewiges zinses —. Des zu bekenthnisse — habin wir unser stadt Nuemburg große ingesegil wissintlich lassin hengin an disen offen briff, der gegeben ist noch Christi geburt vitzehinhundert jar darnach in dem dryssigsten jare an dem nehisten sonstage noch pfingstin als man begehut dye heylige dryfaldikeit.

222.

[Leipzig], 1432 Nov. 18.

30

Hdschr.: Rathsarchiv Leipzig Stadtbuch fol. 165b.

*Anm.: Beigefügt ist die Bemerkung Reempta est hec littera anno 20. xcr° sub Jacobo Thommell proconsule. Vergl. Stadtrechnung 1491/92 Rubr. Slechte zufell. ußgabe S. 1: Sabato post Marie Magdalene (1491 Juli 23) den Pauler hern zu ablosung vi Rein. gulden zinß, alß fraw Gerdrudt Zelschwitzin etwan bey dem rate gekawft hat, gebenn xc gulden —. Item eysdem meher zu ablosung ii gulden zinße gebenn xxx gulden —. Item eysdem
 35 meher zu ablosung zweyer tonnen herings jerlichs zinse gebenn ii°xx gulden —.*

*Conrad Behir Burgermeister, Nickel Kauffman, Heinrich Ochse, Hans Wolke-
 witz, Hennschen, Hans von Tuch, Nickel Burburger, Peter Dubin, Hans Schobil, Heinrich
 Forster, Nickel Moller und Heinrich Reyner Rathmann und Geschworne der Stadt Leipzig
 40 verkaufen der Frau Gertrude des gestrengen Jorg von Telchsicz sel. ehelicher Wirthin und*